

IDEAS PARA UNHA HOMILÍA CON NENOS 30 ABRIL 2023

**A ovelliña, desde a porta que é Xesús,
dinos: Cristo VIVE**

1. VER: Persoas que nos cuidan

- Todos ao noso lado temos persoas que nos coidan, velan para que non nos pase nada malo, chámannos para saber se regresamos dunha viaxe. É posible que moitos de nós tamén sexamos coidadores ou esteamos pendentes dos demais.

-Que nomes che veñen á cabeza? Que facedes?

2. XULGAR: Xesús é a porta, o pastor que nos coida

- No evanxeo de hoxe, dinos Xesús, que el é o **bo pastor**, que nos *“chama polo noso nome”* e *“as ovellas ségueno”*. É a *“porta”* pola que podemos entrar se queremos salvarnos e *que veu “ para que (as súas ovellas) teñan vida e a teñan abundante”*.

QUE NOS QUERE DICIR XESÚS?

- Hoxe o debuxante Fano descóbrenos que a **ovelliña** do rabaño de Xesús anúncianos co signo da porta que Xesús vive.
- Xesús dinos que é o **PASTOR**, o Bo Pastor. O coñécenos polo noso nome (sabe da nosa existencia e historia). Cóidanos, guía, cura, perdóanos, dá a vida por nós... lévanos da man, desvívese por nós, protéxenos e defende. Cóidanos, somos

queridos e únicos para El. Nós somos as súas ovellas, tratemos de seguirlle xa que coñecemos a súa voz.

- Xesús dinos que é a **PORTA**. Cunha porta sabemos perfectamente como está unha persoa: se dá unha portada, enfadada; se chama antes de entrar, educada; se pecha suavemente, coidadoso; se sempre a deixa aberta, descoidada. Se non atopamos a porta damos rodeos ata que a atopamos. Xesús é a porta que nos abre á VIDA con maiúscula, á vida divina, da fe, da graza, da vida eterna. Xesús é a porta de acceso á auténtica felicidade, á casa do Pai, ao amor do Pai.
- Na Eucaristía Xesús está vivo e presente hoxe. A través desta Porta chegamos a Deus.

Por que Xesús é pastor e porta? Vívelo así?

3. ACTUAR: Déixate coidar por Xesús

- Debuxade a Xesús pastor e ao redor poñede palabras respondendo: é o meu pastor porque me...
- Razona e explica que cousas te achegan a Xesús.
- Facede un cartel sobre o labor do “pastor/sacerdote” da túa parroquia. Agradece o seu labor e felicítadeo. Ten algún sorriso, palabra amable ou detalle esta semana cos outros “pastores” que te coidan: catequistas, profes, pais...
- Entrevistádevos co sacerdote e que vos explique que actividades se realizan na parroquia, en que axudan os segres, como está organizada, etc...
- Pensa nalgunha persoa á que poidas coidar de maneira especial esta semana sen que ela o saiba. Que podes facer para coidar dela?

Que imos facer?

LECTURAS

FEITOS 2, 14a. 36-41: Deus constituíuno Señor e Mesías.

O día de Pentecoste Pedro, poñéndose en pé xunto aos Once, levantou a súa voz e declarou: «Con toda seguridade coñeza toda a casa de Israel que ao mesmo Xesús, a quen vós crucificastes, Deus constituíuno Señor e Mesías». Ao oír isto, traspasóuselles o corazón, e preguntaron a Pedro e aos demais apóstolos: *«Que temos que facer, irmáns?»*

Pedro contestoulles: *«Convertédevos e sexa bautizado cada un de vós no nome de Xesús, o Mesías, para perdón dos vosos pecados, e recibiredes o don do Espírito Santo. Porque a promesa vale para vós e para os vosos fillos, e para os que están lonxe, para cuantos chamar a si o Señor Deus noso».*

Con estas e outras moitas razóns deu testemuño e exhortábaos dicindo: *«Salvádevos desta xeración perversa».* Os que aceptaron as súas palabras bautizáronse, e aquel día foron agregadas unhas tres mil persoas.

Palabra do Señor.

SALMO 22:

O Señor é o meu pastor, nada me falta.

I PEDRO 2, 20b-25: Convertéstesvos ao pastor das vosas almas.

XOÁN 10, 1-10: Eu son a porta das ovellas.

Narrador: Naquel tempo, díxolles Xesús:

Xesús: -«*Con toda verdade volo aseguro: o que non entra pola porta no curral das ovellas, senón que salta por outra banda, ese é ladrón e bandido; pero **o que entra pola porta é pastor das ovellas.***

A este ábrelle o garda e as ovellas atenden á súa voz, e el vai chamando polo nome as súas ovellas e sácaas fóra. Cando sacou todas as súas camiña diante delas, e as ovellas ségueno, porque coñecen a súa voz; a un estraño non o seguirán, senón que fuxirán del, porque non coñecen a voz dos estraños».

Narrador: Xesús púxolles esta comparación, pero eles non entenderon de que lles falaba. Por iso engadiu Xesús:

Xesús: -«*Con toda verdade volo aseguro: **eu son a porta** das ovellas. Todos os que viñeron antes de min son ladróns e bandidos; pero as ovellas non os escoitaron.*

Eu son a porta: quen entre por min salvarase e poderá entrar e saír, e atopará pastos. O ladrón non entra senón para roubar e matar e facer estragos; eu vin para que teñan vida e a teñan abundante».

Palabra do Señor

Narrador - Xesús